

讀書叢錄

讀書叢錄卷五

臨海洪頤煊

春秋經傳別行

漢書藝文志春秋古經十二篇此左氏之經也經十  
一卷注云公羊穀梁此公穀二傳之經也春秋經傳  
別行賈逵解左氏經傳並釋服虔有傳無經南齊書  
陸澄傳時國學置杜服春秋澄謂尚書令王儉曰泰  
元取服虔而兼取賈逵經服傳無經雖在注中而傳  
又有無經者故也今留服而去賈則經有所闕此亦  
服傳無經之證

左氏

漢書劉歆傳春秋左氏丘明所修後漢書范升傳左氏不祖孔氏而出於丘明孔沖遠正義以其姓左故號爲左氏傳元和姓纂左氏齊公族有左右公子因以爲氏魯有左丘明此皆以左爲氏丘明爲名史記太史公自序左丘失明厥有國語公羊疏太平御覽卷六百一引史記左丘下有明字漢書司馬遷傳亦作左丘明無目後人據此因以左丘爲左氏之姓非也

春秋鄒夾

漢書藝文志春秋家鄒氏傳十一卷夾氏傳十一卷鄒氏無師夾氏有錄無書頤煊案王吉傳初吉兼通

五經能爲騶氏春秋後漢書范升傳春秋之家又有騶爽如令左氏得置博士騶爽五經奇異並復求立各有所執乖戾分爭從之則失道不從則失人騶爽之學其時尚有傳者

### 衛氏難杜

左氏正義引衛氏難杜又引秦氏釋頤煊案魏書賈思同傳云思同之爲侍講也國子博士遼西衛冀隆爲服氏之學上書難杜氏春秋六十三事思同復駁冀隆乖錯十一條互相是非積成十卷詔下國學集諸儒考之未竟而思同卒後魏郡姚文安樂陵秦道靜復述思同意冀隆亦尋物故浮陽劉休和又持冀

隆說至今未能裁正焉

食舍肉

隱元年傳公賜之食食舍肉杜預注食而不啜羹正義禮公食大夫及曲禮所記大夫士與客燕食皆有牲體殺豢非徒設羹而已顧煊案爾雅釋器肉謂之羹儀禮鄉飲酒禮羹定鄭注肉謂之羹故下文云朱當君之羹請以遺之羹卽肉也

憾而能眡

三年傳降而不憾憾而能眡者鮮矣杜注恨則思亂不能自安自重正義釋言云眡重也顧煊案注據爾雅以釋眡字必增加自安二字方與自重相連其說

甚迂說文眡目有所恨而止也義勝於杜

芟夷

六年傳芟夷蘊崇之杜注芟刈也夷殺也顧煊案夷通作薙字禮記月令燒薙行水鄭注薙謂迫地芟草也周禮薙氏鄭注薙讀如髡小兒頭之髡書或作夷此皆剪草也字從類耳

以字爲氏

八年傳諸侯以字爲謚因以爲族史記五帝本紀集解駁五經異義引作諸侯以字爲氏顧煊案正義服虔云公之母弟則以長幼爲氏貴適統伯仲叔季是也庶公子則以配字爲氏尊公族展氏臧氏是也服

虞本當作以字爲氏

### 大雨霖

九年傳春王三月癸酉大雨霖以震庚辰大雨雪亦如之凡雨自三日以往爲霖杜注此解經書霖也而經無霖字經誤正義經當如傳言大雨霖以震不當云大雨震電是經脫霖以二字而妄加電也顧煊案凡雨自三日以往爲霖是釋大雨非釋經書霖後人於傳大雨下妄加霖字漢書五行志隱公九年三月癸酉大雨震電庚辰大雨雪劉歆以爲三月癸酉於歷數春分後一日始震電之時也當雨而不當大雨大雨常雨之罰也於始震電八日之間而大雨雪常

寒之罰也亦無霖字

衷戎師

祝聃逐之衷戎師杜注戎前後及中三處受敵故曰  
衷戎師正義衷戎師者謂戎師在三伏之中頤煊案  
昭十六年傳發命之不衷杜注衷當也桓七年傳不  
當王非敵也謂祝聃逐之以當戎師前後夾擊之故  
盡殪杜注非是

不庭

十年傳以王命討不庭杜注下之事上皆成禮於庭  
中頤煊案爾雅釋詁庭直也國語周語以待不庭不  
虞之患韋昭注庭直也不庭謂不直之人成十二年

傳謀其不協而討不庭杜注討背叛不來在王庭者非是

嘉栗

桓六年傳嘉栗旨酒杜注嘉善也栗謹敬也正義劉炫以栗爲穗貌而規杜過頤煊案考工記菑栗不迤鄭注栗讀爲裂繻之裂裂與烈同嘉栗謂酒之芬芳揚烈卽下文所謂馨香無譏慝也杜劉注皆失之

尸

十五年傳尸諸周氏之汪杜注殺而暴其尸以示戮也頤煊案爾雅釋詁尸陳也淮南俶真訓高誘注汪讀傳矢諸周氏之汪同矢亦陳也

始判

莊三年傳紀於是乎始判杜注判分也言分爲附庸  
始於此頤煊案判古通作叛字桓六年冬紀侯來朝  
請王命以求成于齊公告不能莊元年齊師遷紀邢  
鄆鄆魯又不能救此年秋紀季以鄆入于齊紀於是  
始叛魯也

人立而啼

八年傳豕人立而啼頤煊案管子大匡篇作豕人立  
而啼荀子禮論篇哭泣諦號淮南精神訓病疵瘕者  
蹢躅而諦春秋繁露執贄篇羊殺之不諦啼皆作諦  
又何間焉

十年傳肉食者謀之又何間焉杜注間猶與也頤煊  
案爾雅釋言間倪也說文倪一日間見是倪與見同  
也禮記曲禮侍坐於君子若有告者曰少間願有復  
也昭四年傳寡君願結驩於二三君使舉請間間卽  
請見之辭

### 因重固

閔元年傳因重固杜注能重能固則當就成之正義  
服虔云重不可動因其不可動而堅固之頤煊案此  
與上親有禮句對言之謂因國之重臣不可動者而  
安固之襄十四年傳史佚有言曰因重而撫之此卽  
服注所本

偏衣

二年傳公衣之偏衣杜注偏衣左右異色其半似公服隨焮案禮記玉藻衣正色裳間色偏衣謂間色不正之衣故下文服其身則衣之純純謂正色衣之龍服龍雜卽間色也後漢書光武紀服婦人衣諸于繡鬚諸于漢書賈誼傳作偏諸或卽此制

其愛之也

僖五年傳且虞能親於桓莊乎其愛之也正義服虔其作甚注云愛之甚當謂愛桓莊之族甚也愛之若甚何以誅之且文勢不順又改字失真繆之甚也隨焮案二十四年傳行者甚衆豈惟刑臣釋文一本甚

作其又國君而離匹夫懼者甚衆矣釋文甚衆本或作其衆因字形相近而亂

### 南河

二十八年傳還自南河濟杜注從汲郡南渡出衛南而東顧烜案史記衛康叔世家成公三年晉欲假道於衛救宋成公不許晉更從南河渡集解服虔曰南河濟南之東南流河也水經河水注河水於是有棘津之名亦謂之石濟津故南津也春秋僖公二十八年晉將伐曹曹在衛東假道於衛衛人不許還自南河卽此濟也仿宋刊注疏本作還自河南濟非是

距躍三百曲踊三百杜注距躍超越也曲踊跳踊也  
百猶勵也頤煊案距躍直越向前也曲踊回身聳跳  
也百與拓同說文拓拊也謂合手拍拊如鼓譟之狀  
距躍曲踊者其足勢三拓者其手勢也韓非子八說  
篇登降周旋不逮日中奏百其義正同

以覺報宴

文四年傳以覺報宴杜注覺明也謂諸侯有四夷之  
功王賜之弓矢又爲歌彤弓以明報功宴樂正義覺  
者悟知之意故爲明也使諸侯明己心也頤煊案覺  
者大也老莊有覺德行鄭注覺大也詩斯干有覺其  
楹毛傳有覺言高大也以覺報宴謂諸侯有四夷之

功王大報宴以酬其功故下文云其敢于大禮以自取戾

難必紓矣

六年傳有此四德者難必紓矣杜注紓除也正義服虔作紓紓緩也顧煊案服虔本作紓是也成二年傳我亦得地而紓於難三年傳二國圖其社稷而求紓其民十六年傳我僞逃楚可以紓憂襄八年傳姑從楚以紓吾民字皆作紓

鹿死不擇音

十七年傳鹿死不擇音杜注音所休蔭之處古字聲同皆相假借正義服虔云鹿得美草呦呦相呼至於

困迫將死不暇復擇善音急之至也頤煊案後漢書  
皇甫規傳傳稱鹿死不擇音謹冒昧畧上莊子人間  
世獸死不擇音氣息弗然皆同服說

遂扶以下

宣二年傳遂扶以下正義服虔本扶作跣杜本作扶  
釋文今杜注本往往有跣者頤煊案太平御覽卷三  
百二引作遂跣以下

兩馬掉鞅

十二年傳兩馬掉鞅而還杜注兩飾也掉正也正義  
兩飾掉正皆無明訓服虔亦云是相傳爲然也頤煊  
案周禮環人注引作櫛馬櫛通作柳三國志蜀先主

傳縛督郵解綬繫其頸著馬柳說文柳馬柱掉搖也  
謂繫其馬於柱搖動其鞅而還

屈蕩尸之

屈蕩尸之惠氏棟云淳熙九經及長平游御史本巾  
箱本俱作尸字頤煊案漢書王嘉傳師古注文選宦  
者傳論李善注引左傳皆作屈蕩尸之小爾雅廣詁  
尸止也尸通作扈昭十七年傳九扈爲九農正扈氏  
無淫者也杜注扈止也

樂京廬

十七年傳使樂京廬待命于齊杜注樂京廬郤克之  
介頤煊案國語齊語衛人出廬於曹韋昭注廬寄也

釋名釋宮室寄止曰廬周禮野廬氏鄭注廬賓客行道所舍謂獻子先歸使欒京寄止客舍以待命于齊

### 桀石

成二年傳齊高固入晉師桀石以投人杜注桀擔也  
頤煊案廣雅釋詁擔舉也史記王翦列傳方投石超  
距漢書甘延壽傳投石拔距絕於等倫張晏曰范蠡  
兵法飛石重十二斤爲機發行二百步延壽有力能  
以手投之高固亦手舉石以投人故以爲勇桀古通  
作揭字其音義並同

### 畏君之震

畏君之震師徒桀敗杜注震動頤煊案震威也國語

晉語車有震武也韋昭注震威也十三年傳寡君不敢顧昏姻畏君之威而受命於吏卽其證

### 視流

六年傳視流而行速杜注視流不端諦頤煊案八年傳從善如流杜注如流喻速十五年傳視速而言疾襄三十年傳視躁而足高視流與視速視躁同義

### 伏劒

襄三年傳魏絳至授僕人書將伏劒正義謂仰劒刃身伏其上而取死也頤煊案伏劒卽負劒右手拔劒有似於負故曰負劒聲轉曰伏劒史記刺客列傳王負劒負劒遂拔墨子節葬下篇譬猶負劒而求其壽

也書傳中言伏劒而死者皆謂拔劒以自刎

畧

四年傳匠慶請木季孫曰畧杜注不以道取爲畧頤  
煊案畧謂簡畧其禮匠慶不聽而用其已樹蒲圃之  
六櫃季孫不能止故君子曰多行無禮必自及也

弃位而姣

九年傳弃位而姣不可謂貞杜注姣淫之別名正義  
服虔讀姣爲放效之效言效小人爲淫頤煊案說文  
姣好也方言娥嬪好也或謂之姣言弃位而徒姣好  
其貌不可謂貞

門者

十年傳縣門發聊人紇袂之以出門者正義服虔云  
扶掖也謂以木櫛袂縣門使舉令下容人出也門者  
下屬爲句頤煊案水經沭水注引傳云縣門發鄒人  
紇袂之以出與服讀同

請於孫子

十四年傳使子行於孫子阮尙書校勘記石經子行  
二字改刊此行只九字初刻尙有一字山井鼎云足  
利本後人記云子行下異本有請字然則石經刊去  
之字卽請字也頤煊案杜注使往請也子行下當有  
請字

傳食

十九年傳聞師將傳食杜注因其會食頤煊案墨子號令篇鋪食皆於署不得外食傳食卽鋪食義與鋪同皆聲相近

瘠則甚矣

二十一年傳楚子使醫視之復曰瘠則甚矣而血氣未動杜注瘠瘦也頤煊案上文方暑闕地下冰而牀焉重繭衣裘鮮食而寢並不言瘦公羊莊二十年傳大瘠者何痢也何休注瘠病也齊人語杜注失之

閔子騫

二十三年傳閔子馬見之日子無然禍福無門唯人所召頤煊案後漢書楊秉傳引禍福二句李賢注左

傳閔子騫之辭影宋本北堂書鈔卷三十六文選檄  
吳將校部曲李善注引亦作閔子騫褚淵碑文注引  
閔子騫曰敬恭朝夕恪居官次白帖卷八十七引閔  
子騫曰夫學殖也不學將落今本皆作閔子馬

踞轉

二十四年傳皆踞轉而鼓琴杜注轉衣裝頤煊案昭  
三十年傳趙簡子夢童子羸而轉以歌淮南脩務訓  
故秦楚燕魏之謠也異轉而皆樂汜論訓譬猶不知  
音者之歌也濁之則鬱而無轉踞轉而鼓琴謂箕侏  
自歌以鼓琴也

有如此盟

二十五年傳曰所不與崔慶者晏子仰天歎曰嬰所  
不唯忠於君利社稷者是與有如上帝乃歆杜注盟  
書云所不與崔慶者有如上帝讀書未終晏子抄荅  
易其辭因自歆釋文曰所不與崔慶者本或此下有  
有如此盟四字者後人妄加顧烜案淮南精神訓高  
誘注不唯崔慶是從者如此盟有如此盟四字非後  
人妄加唐石經所不與崔慶者下有有如上帝四字  
是後人依杜注增之史記齊太公世家作乃與國人  
盟曰不與崔慶者死晏子春秋內篇不與崔慶而與  
公室者受其不祥皆異文

當御

二十六年傳朱也當御杜注御進也言次當行正義  
言當進侍君受君命也頤煊案御與迓同詩鵲巢百  
兩御之甫田以御田祖鄭箋皆云御迎也公羊成二  
年傳使跛者迓跛者使眇者迓眇者穀梁傳迓作御  
何休注迓迎也

如稅服終身

二十七年傳公喪之如稅服終身杜注稅卽總也喪  
服總縗裳縷細而希非五服之常本無月數痛愍子  
鮮故特爲此服無月終而獻公尋薨故言終身頤煊  
案喪讀去聲二十八年傳陳須無以公歸稅服而如  
內宮稅卽脫字獻公喪子鮮如脫服終身言其心戰

標常不忘也

祇見疏也

二十九年傳祇見疏也正義多見疏猶論語多見其不知量也服虔本作祇晉宋杜本皆作多頤煊案據此正義本作多今本作祇是後人從服本改昭十三年傳祇取辱焉二十六年傳祇取誣焉定四年傳祇取勤焉哀十四年傳祇取死焉字皆作祇與服本同與子上盟

三十年與子上盟用兩珪質于河頤煊案釋文與子上用兩珪質于河一本作與子上絕句用兩珪質于河別爲一句是陸氏本無盟字杜注子上駟帶也沈

珪於河爲信也亦不當有盟字

以羸諸侯

三十一年傳我實不德而以隸人之垣以羸諸侯杜  
注羸受也正義賈服王杜皆讀爲盈盈是滿也故皆  
訓爲受頤煊案羸露也謂以隸人之垣露處諸侯卽  
上文所謂暴露也昭元年傳勿使有所壅閉湫底以  
露其體杜注露羸也二訓本互通

蔡蔡叔

昭元年傳周公殺管叔而蔡蔡叔正義說文云蔡散  
之也從米殺聲隸書改作己失本體蔡字不復可識  
寫者全類蔡字至有重爲一蔡字重點以讀之者頗

煊案正義所見有兩本一本重爲一蔡字重點以讀之者張參五經文字蔡春秋多借蔡字爲之今本是也一本寫者全類蔡字其本無考史記司馬相如列傳喻岬萃蔡索隱郭璞云萃蔡猶璀璨也索隱單行本蔡作粲與蔡相近唯後漢書樊豐傳李賢注引左傳曰周公殺管叔而蔡蔡叔杜預注曰蔡放也字尙不誤

其相胡公

三年傳其相胡公大姬已在齊矣正義服虔云相隨也今定本相作祖頤煊案杜注言陳氏雖爲人臣然將有國其先祖鬼神已與胡公共在齊杜注本當作

祖

黃能

七年傳今夢黃熊入于寢門正義諸本皆作熊字梁主云鮫之所化是能鼈也若是熊獸何以能入羽淵頤煊案釋文唐石經皆作能字爾雅釋魚鼈三足能說文能熊屬足似鹿能是本字故或釋爲鼈或釋爲熊諸本徑改作熊字非是

莫保其性

八年傳怨謫並作莫保其性杜注性命也民不敢自保其性命頤煊案孟子生之謂性白虎通情性篇性者生也周禮大司徒辨五土之物生鄭注杜子春讀

生爲性莫保其性卽莫保其生十九年傳民樂其性而無寇讎亦謂民樂其生

斬焉

十年傳孤斬焉在衰經之中杜注旣葬未卒哭故猶服斬衰頤煊案禮記雜記縣子曰三年之喪如斬期之喪如剡鄭注言其痛之惻怛有淺深也斬焉謂其痛之深也

交關

十六年傳若屬有讒人交關其間頤煊案國語晉語逐之恐構諸侯韋昭注構交構也後漢書何進傳交構已成交關猶交構也其聲相近

阿下執事

二十年傳寡君命下臣於朝曰阿下執事臣不敢貳杜注阿比也命已使比衛臣下頤煊案呂氏春秋高義篇阿有罪高誘注阿私也貴公篇不阿一人高誘注阿亦私也私下執事謂寡君命臣私布於下執事是以不敢貳

大者不櫛

二十一年傳小者不窕大者不櫛杜注櫛橫大頤煊案字書無櫛字漢書五行志引作櫛易繫辭剝木爲舟王弼注舟必用大木剝鑿其中釋文挾本又作剝挾卽櫛字之省

介雞

二十五年季氏介其雞釋文介又作芥頤煊案呂氏  
春秋察微篇季氏介其雞高誘注介甲也字當作介  
杜注擣芥子播其羽也字當作芥藝文類聚卷九十  
一太平御覽卷九百十八引左傳皆作芥是杜氏本  
縛一如璵

二十六年傳以幣錦二兩縛一如璵杜注璵充耳縛  
卷也急卷使如充耳易懷藏頤煊案璵爲冕玉所以  
塞耳其小可知幣錦二匹急卷使如充耳此擬不相  
倫類聘禮賄用束紡鄭注紡紡絲爲之今之縛也周  
禮內司服鄭注六服皆袍制以白縛爲裏釋文縛聲

類以爲今作絹字如當爲加字之譌此言以幣錦二兩縛一兩加瑱以貨之縛一不言兩者省文也

愁

二十八年傳愁使吾君聞勝與臧之死也以爲快杜注愁發語之音頤煊案愁願也願使吾君聞之以爲快國語晉語敢歸諸下執政以愁御人韋昭注愁願也楚語吾愁寘之於耳韋注愁願也

蝥賊

三十二年傳蝥賊遠屏杜注蝥賊謂災害正義蝥賊食苗之蟲釋蟲云食根蝥食節賊故以蝥賊喻災害也頤煊案蝥賊喻人非喻災害詩瞻卬蝥賊蝥疾靡

有夷屈召旻天降罪罟蝨賊內訌成十三年傳帥我蝨賊以來蕩搖我邊疆皆謂賊害之人

### 路國

定五年傳子西爲王輿服以保路國于脾洩杜注立脾洩以保安道路人頤煊案路字當屬下句讀路國于脾洩猶言露處於脾洩也管子四時篇國家乃路尹知章注路謂失其常居也周書皇門解白露厥家露與路同

### 問高厚焉

子西問高厚焉弗知子西曰不能如辭正義本或有小大者涉下文而誤耳頤煊案下文正義引張奐古

今人論云子西問城之高厚小大而弗知也子西怒  
曰不能則如辭能之而不知又何知乎高厚下有小  
大二字唐石經旁注有小大二字

不可食已

哀元年傳後雖悔之不可食已杜注食消也已止也  
正義言悔恨之深結於心腹不可如食之消止頤煊  
案爾雅釋詁食僞也僞古通作爲字言後雖悔恨不  
可爲已已是絕決之辭

彤鏤

器不彤鏤杜注彤丹也鏤刻也惠氏棟云彤古彫字  
頤煊案說文丹巴越之赤石也象采丹井、象丹形

彤亦古文丹彤彤彤相近故經典彤譌作彤杜注彤丹也國語周語器無彤鏤韋昭注彤丹也楚語不聞其以土木之崇高彤鏤爲美韋注彤謂丹楹彤卽古文丹字

### 望視

十四年傳有陳豹者長而上僂望視杜注曰望陽頤煊案史記孔子世家眼如望羊釋名釋姿容望羊羊陽也言陽氣在上舉頭高似若望之然也羊陽古字通用

### 旻天

十六年傳旻天不弔不憖遺一老頤煊案說文春秋

傳曰昊天不憖爾雅釋天夏爲昊天孔子以哀十六  
年夏四月己丑卒義當作昊天後漢書東平憲王傳  
李賢注文選陳太丘碑文李善注引左傳皆作昊天  
范甯穀梁傳序昊天不弔疏哀十六年左氏文

讀書叢錄卷六

臨海洪頤煊

春秋外傳

國語稱春秋外傳宋庠謂始於韋昭非也隋書經籍志春秋外傳國語二十卷賈逵注漢書韋玄成傳引春秋外傳曰日祭月祀時享歲貢終王皆在韋昭前稷爲天官

周語是故稷爲大官韋昭注民之大事在農故稷之職爲大官也頤煊案尙書舜典正義引國語曰稷爲天官賈公彥周禮疏序初堯時天官爲稷又云但堯初天官爲稷至堯試舜天官之任謂之百揆舜卽眞

之後命禹爲之卽天官也賈氏之說本於鄭康成所見國語當作稷爲天官今本作大官是淺人依韋注民之大事句改之

### 艾

樹於有禮艾人必豐韋注艾報也鄭語樹於有禮必有艾韋注艾報也頤煊案艾無報訓艾與樹對言之艾當作刈離騷願俟時平吾將刈王逸注刈穫也言樹於有禮其獲人必多也

### 腊毒

厚味實腊毒韋注厚味喻重祿也腊亟也讀若廟昔酒焉味厚者其毒亟也頤煊案鄭語毒之首腊者其

殺也滋遠韋注精熟曰酉腊極也極亟古字通用文選七命李善引賈逵國語注腊久也久亦與極同義禮記郊特牲鄭注爲其味厚腊毒也釋文引隱義云腊久也久酒有毒義卽本於賈逵

### 越哉

魯語海鳥曰爰居止於魯東門之外三日臧文仲使國人祭之展禽曰越哉臧孫之爲政也韋注越迂也言其迂濶不知政要也頤煊案越過也謂過於禮故下文文仲聞柳下季之言曰信吾過也

### 無洵涕

無洵涕韋注無聲涕出爲洵涕也頤煊案洵卽泣字

禮記檀弓孔子泣然流涕一切經音義卷十一眩古文迥迥二形文選劇秦美新臣嘗有顛眴疾李善注眴與眩古字通洵眩偏旁本通用

### 被羽

晉語被羽先升遂克之韋注羽鳥羽繫於背若今軍將負旄矣顧烜案羽旌旗之屬周禮司常全羽爲旌析羽爲旌單言之亦可稱爲羽孟子見羽旄之美亦謂旌旗也後漢書賈復傳被羽先登李賢注被猶負也析羽爲旌旗將軍所執被羽先升謂負旗先登如左氏隱十一年傳穎考叔取鄭伯之旗蝥弧以先登是也韋注謂以鳥羽繫於背失之

## 觀狀

文公誅觀狀以伐鄭韋注賈侍中云鄭復劾曹觀公  
餅脅之狀故伐之唐尙書云誅曹觀狀之罪還而伐  
鄭昭省內外傳鄭無觀狀之事而叔詹云天禍鄭國  
淫於觀狀謂淫放於曹不禮公子與觀狀之罪同耳  
顧煊案文公返國伐曹伐鄭皆名其師曰觀狀謂觀  
其前日所過之功狀左氏僖二十八年傳三月丙午  
入曹數之以其不用僖負羈而乘軒者三百人也且  
曰獻狀獻狀卽觀狀觀獻聲相近

## 應且增

若以君官從子之私懼子之應且增也韋注外應受

我內增其非頤煊案增當作憎周語其叔父實應且  
憎韋注憎惡也左氏成十三年傳君有二心於狄曰  
晉將伐女狄應且憎杜注言狄雖應荅秦而心實憎  
秦無信字皆作憎

訓及諸夏

楚語撫征南海訓及諸夏韋注訓教也教及諸夏謂  
主盟會班號令也頤煊案史記五帝本紀能馴明德  
集解徐廣曰馴古訓字周禮地官序官注訓讀爲馴  
馴服也謂服及諸夏

譁鉞

吳語三軍皆譁鉞以振旅其聲動天地韋注譁鉞謹

呼頤煊案說文釳金飾器口非字義釳當是叩字之  
譌說文叩驚譁也从二口讀若謹與韋注義近

接蘇

明日遷軍接蘇韋注上下皆蘇頤煊案蘇古和字周  
禮大司馬以旌爲左右和之門鄭注軍門曰和孫子  
軍爭篇交和而舍注兩軍相對爲交和交和卽接和

漢初公羊學

漢初春秋止公羊列於學官史記太史公自序春秋  
文成數萬其指數千後漢書鍾離意傳李賢注引意  
別傳意於孔子教授堂下得素書云後世脩吾書董  
仲舒皆公羊家言

言部讀金卷六  
四  
公羊疏

公羊疏不著撰人名氏或云徐彥不知何時人宋董道謂當在貞元長慶之後顧煊案疏中引爾雅孫炎注郭璞音義書序長義孝經疏之類皆唐以前本疏司空掾云若今之三府掾三府掾亦六朝時有之至唐以後則無此稱矣此疏爲梁齊間舊帙無疑

何以名

隱元年傳何以名字也唐石經名上有不字顧煊案何休注据齊侯以祿父爲名疏云是言齊侯以祿父爲名故疑邾婁君亦以儀父爲名注疏本皆無不字如勿與

如勿與而已矣何注如卽不如齊人語也頤煊案桓十四年傳不如勿嘗而已矣文十六年傳不如勿居而已矣句法與此相同此如上當脫不字

分邾

五年傳自陝而東者周公主之自陝而西者召公主之何注陝者蓋今弘農陝縣是也釋文一云當作邾王城邾鄔頤煊案隸釋唐扶頌分邾之治邾卽陝字史記游俠列傳陝寒孺集解徐廣曰陝疑當作邾字南越傳曰邾壯士韓千秋陝邾古字通用

縣輿

桓五年何注禮七十縣車致仕疏淮南子曰至於悲

泉爰止其女爰息其馬是謂縣輿舊說云日在縣輿  
一日之暮人年七十亦一世之暮而致其政事於君  
故曰縣輿亦有作車字者頤煊案隸釋侯成碑縣輿  
養神與疏本同

○化我也

六年傳化我也何注行過無禮謂之化齊人語也頤  
煊案化我卽上文過我過化同聲因口授其字異耳  
哀六年傳陳乞曰常之毋有魚菽之祭願諸大夫之  
化我也不得謂無禮無禮二字是注者增成之穀梁  
傳作畫我其音義並同

鄭國處於留

十一年傳古者鄭國處於留惠氏棟公羊古義云左傳侵宋呂留後漢彭城有留縣張良所封頤煊案漢書地理志陳留郡陳留孟康曰留鄭邑也後爲陳所并故曰陳留鄭康成發墨守留乃在陳宋之東非是其餘從同同

莊四年傳其餘從同同何注凡二同故言同同疏考諸古本傳及此注同字之下皆無重語有者衍文且理亦宜然頤煊案注其餘輕者從義與重者同不復譏都與無讎同文論之所以省文達其異義矣疏輕者不譏見與重者同一同也都與無讎同文論之一同也故曰凡二同矣傳及此注皆當作同同古本非

是

操之已蹙

三十年傳子司馬子曰蓋以操之爲已蹙矣何注操迫也頤煊案詩江漢正義引公羊作蓋以躁之爲已蹙矣何休云躁迫也免爰鄭箋有所躁蹙也義亦本於公羊正義躁定本作操是後人所改

諾已

僖元年傳慶父聞之曰嘻此奚斯之聲也諾已曰吾不得入矣何注諾已皆自畢語疏猶似今人云休一生罷去已白畢竟之辭頤煊案淮南說林訓諾之與已相去千里諾已謂奚斯所許已止不成故重言曰

吾不得入矣

酌之

八年傳蓋酌之也何注酌挹也時鄭伯欲與楚不肯自來盟處其國遣使挹取其血而請與之約束無汲汲慕中國之心故抑之使若叩頭乞盟者也頤煊案周禮士師掌士之八成一曰邦汙鄭司農注汙讀如酌酒尊中之酌國汙者斟汙盜取國家密事若今刺探尙書事謂鄭探知之而請盟也汙酌古今字

○踊

十年傳踊爲文公諱也何注踊豫也齊人語若關西言渾矣頤煊案踊當是通字之譌傳中通可以已也

文凡三見。昭三十一。年傳通濫也。曷爲通濫。賢者子孫宜有地也。義與此傳畧同。關西言渾亦與通義相近。

礪然

十六年傳聞其礪然。穀梁疏礪字說文王篇字林等無其字。學士多讀爲砒。據公羊古本並爲礪字。張揖讀爲礪。是石聲之類。不知出何書也。顧煊案疏引張揖是廣雅之文。廣雅釋詁砒聲也。是亦讀爲砒也。廣雅釋室礪礪也。文選西都賦雕玉璵以居楹。李善注璵與礪通。非此義。

是月

是月者何僅逮是月也何注是月邊也魯人語也在正月之幾盡故曰劣及是月也頤煊案鵬冠子王鈇篇家里用提陸佃注云提零日也公羊傳曰提月者僅逮此月晦日也初學記卷四歲華紀麗注引公羊皆作提月提當通作抵字故傳以爲僅逮此月也

於此焉變

文二年傳以爲有人心焉者則宜於此焉變矣何注變者變慟哭泣也有人心念親者聞有欲爲己圖婚則當變慟哭泣矣頤煊案變讀爲辨言聞有欲爲己圖婚則當辨其義之可否宜十五年傳上變古易常應是而有天災其諸則宜於此焉變矣亦謂當辨其

災應之所由來辨變古字通用

以目通指曰眈

七年傳眈晉大夫使與公盟也何休注以目通指曰眈成二年傳郤克眈魯衛之使使以其辭而爲之請釋文眈音舜又作眈丑乙反又大結反頤煊案玉篇眈同瞬五經文字眈音舜見春秋傳說文無眈字眈目不從正也與經注義不合眈當是眈字之譌說文眈舉目使人也从支目火劣切眈作眈與眈字相近而譌

圉

十一年楚子伐圉釋文二傳作麋頤煊案說文麋从

鹿同省聲篇文不省作麋傳寫者省鹿作困通作圉  
昭元年楚子卷卒釋文左氏作麋卷又圉字之省

### 𡵓言

十二年傳惟譏譏善𡵓言何注𡵓猶撰也顧煊案𡵓  
古通作靖字爾雅釋詁靖治也治與撰義相近尙書  
秦誓惟截截善諛言說文諛便巧言也从言扁聲周  
書曰截截善諛言又引周書蕤蕤巧言皆非公羊義  
釋文𡵓撰也本或作諛是後人依尙書改之

### 六指

十四年傳子以其指則接菑也四纓且也六孔氏廣  
森通義凡以手計數者屈四指伸小指則爲四徧屈

五指還伸小指則爲六頤煊案疏以其手指相似則接苗猶人之四指纓且猶人之六指右手將指連左手言之則爲第六指離左手言之則爲第一指故下文云纓且也長

### 蹠階

宣六年傳蹠階而走何注蹠猶超遽不暇以次釋文蹠與蹠同一本作走頤煊案依何注蹠當作走儀禮公食大夫禮鄭注不拾級而下曰走燕禮記疏越階謂左右足越三等若公羊傳云趙盾避靈公蹠階而走是也說文無蹠字走乍行乍止也讀若春秋公羊傳曰走階而走與蹠字義同廣雅釋訓蹠蹠猶豫也

猶豫卽說文所謂乍行乍止釋文所謂蹠也走蹠音同而義異

周狗

靈公有周狗謂之葵何注周狗可以比周之狗所指如意頤煊案爾雅釋畜郭璞注公羊傳曰靈公有害狗謂之葵周害字形相近說文猗犛犬也害疑卽犛字之省

交易

十二年傳君之不令臣交易爲言何注交易猶往來也言君之不善臣數往來爲惡言頤煊案交通作狡狡猾也易輕也言不善臣數爲狡猾輕慢之言說文

傷輕也一日交傷義卽本此

東西其畝

成二年傳使耕者東畝後漢書孔融傳李賢注引公羊傳此與下文皆作使耕者東西其畝頤煊案何注使耕者東西如晉地疏引舊云使齊東西其畝往來於晉地易注及舊本皆當作東西其畝疏云蓋晉地谷川宜東畝者多疏本已脫西其二字

用然後郊

十七年傳或曰用然後郊孔氏通義或意未明舊說以爲用事于類宮然後郊要本非傳所取闕疑殆焉頤煊案用當作卜說文用从卜从中字形相近又涉

上文而譌爲用字僖三十一年傳卜郊非禮也何注  
天子不卜郊疏欲道天子之郊以其常事故不須卜  
魯郊非禮是以卜之用郊者不卜郊也故傳以爲不  
宜用或曰卜然後郊是據魯禮以正之也

### 髡原

襄七年傳鄭伯髡原如會疏正本作頑字亦有一本  
作原字非也釋文髡原左氏作髡頑頤煊案史記鄭  
世家索隱引左傳作髡原是左氏作髡原此傳作髡  
頑故疏云一本作原字非也今本是後人據釋文本  
改之

### 公子喜

十九年鄭殺其大夫公子喜釋文喜二傳作嘉頤煊案禮記祭義父母愛之喜而勿忘唐石經喜作嘉喜卽嘉字之省古人名字相配嘉字子孔宋有孔父嘉則作嘉字爲是

○因諸

昭二十一年傳若曰因諸者然何注因諸者齊故刑人之地公羊子齊人故以齊喻也疏舊說云卽博物志云周曰囹圄齊曰因諸是也頤煊案因聲近囹諸聲近囹皆卽周禮圉土之轉聲

菑

二十五年傳以人爲菑何注菑周埒垣也所以分別

內外衛威儀也。今大學辟雍作側字。頤煊案考工記輪人注鄭司農云。留讀如雜廁之廁。漢書張耳傳貫高等。廼壁人柏人。要之置廁側。卽廁字。

○蒲社

哀四年蒲社災。釋文左氏作亳社。頤煊案蒲是薄字之省。薄毫古字通用。尙書序成王既踐奄。將遷其君於蒲。姑釋文蒲馬本作薄。疏云賈氏曰公羊曰薄社。所見本薄字尙不省。

○色然

六年傳皆色然而駭。何注色然驚駭貌。釋文色本又作境。居委反。又或作危。頤煊案一切經音義卷九引

公羊作歆然而駭。塤蒼歆恐懼也。通俗文小怖曰歆。說文歆悲意。色歆同聲假借字。本作塤危者又因色字而譌。

受經子夏

穀梁傳序疏穀梁子名俶字元始魯人一名赤受經於子夏爲經作傳故曰穀梁傳傳孫卿。顧煊案隱五年傳引尸子曰尸佼爲商鞅之師鞅旣誅佼逃於蜀穀梁當在其後其云受經於子夏非親受業於子夏之門故得以傳孫卿。

挈

隱四年傳祝吁之挈失嫌也。范甯注不書氏族提挈。

其名而道之也疏徐邈以挈爲舉卽是提挈之稱頤  
煊案方言挈特也謂特書其名餘凡言挈者其義同  
也

### 始厲樂矣

五年傳初獻六羽始厲樂矣惠氏棟穀梁古義釋詁  
云厲作也郭氏引此傳以證之頤煊案厲通作萬字  
說文蠭从虫萬聲字林作蠭糲从米萬聲聲類作糲  
厲萬古字通萬舞也始萬樂卽初獻六羽故左氏傳  
云將萬焉公問羽數於衆仲萬獻亦同聲字

### 所俠也

九年傳俠卒俠者所俠也范注俠名也所其氏疏徐

邈引尹更始云所考俠之氏今范亦云所其氏則所  
者是俠之氏族但未備爵命故畧名耳麋信以謂所  
非氏所謂斥也顧煊案所猶許也詩伐木許許說文  
引詩作伐木所此俠卒與八年無佹卒爲一例上  
傳云無佹之名未有聞焉或曰隱不爵大夫也或說  
曰故貶之也此不稱貶明許之也

### 冀州

桓五年傳鄭同姓之國也在乎冀州范注鄭姬姓之  
國冀州則近京師顧煊案周書嘗麥解相在大國有  
殷之口是威厥邑無類于冀州淮南墜形訓正中冀  
州曰中土高誘注冀大也四方之主故曰中土又云

少室太室在冀州注少室太室在陽城嵩高山之別名陽城與鄭相近

則是故命也

九年傳則是故命也唐石經故作放頤煊案太平御覽卷一百四十七引穀梁傳作放麋信注放違也言世子違命而止

天子丹

莊二十三年傳禮天子諸侯黜堊大夫倉士黻頤煊案太平御覽卷一百八十七引穀梁傳作天子丹諸侯黜堊傳意言魯僭用天子之禮故下云丹楹非禮也若天子諸侯同黜堊傳何用述此禮御覽所引本

是

脣亡

僖二年傳語曰脣亡則齒寒。頤煊案左氏公羊俱同。戰國策趙策云脣揭而齒寒。高誘注揭猶反也。呂氏春秋權勳篇淮南說林訓皆作脣竭而齒寒。高誘注竭亡也。

勤雨也

二年冬十月不雨。不雨者勤雨也。三年春王正月不雨。不雨者勤雨也。頤煊案勤古文作厯。說文厯劣少也。勤雨者少雨也。少雨不爲災。故不言旱。至夏四月不雨則旱矣。故下文閔雨喜雨俱言有志乎民而勤。

雨不言

沙鹿

十四年秋八月辛卯沙鹿崩林屬於山爲鹿疏公羊以沙鹿爲河上之邑杜預注左氏以爲山名此傳以鹿爲山足是三傳說異也頤煊案鹿本作麓說文麓守山林吏也一日林屬於山爲麓春秋傳曰沙麓崩風俗通山澤篇麓林屬於山者也春秋沙麓崩傳曰麓者山足皆穀梁說

佚宕

文十一年傳弟兄三人佚宕中國釋文宕本又作害頤煊案下文旣云瓦石不能害此不應復云佚害宕

與蕩同猶期期也太平御覽卷三百七十七引穀梁  
傳迭害中國注迭猶更也

晉卻克跛

成二年傳晉卻克眇衛孫良夫跛疏卻克眇左氏以  
爲跛今云眇者公羊無說未知二傳孰是范明年注  
云卻克跛者意從左氏故也或以爲誤跛當作眇頤  
煊案左氏正義沈氏引穀梁傳晉卻克跛衛孫良夫  
眇藝文類聚卷十九太平御覽卷七百三十八引亦  
作晉卻克跛衛孫良夫眇定本作晉卻克眇衛孫良  
夫跛非是

伯尊由忠問焉

五年傳伯尊由忠問焉范注用忠誠之心問之頤煊  
案太平御覽卷六百四十九引穀梁傳伯遵由悉問  
焉注悉至疑欲重問之也與范氏本異尊遵古字通  
用

慈休案忠與古字通用由忠者備悉心也左傳古不由忠由忠問焉者謂悉心以問也御覽作忠者忠字之誤或涉注中忠字而誤注云忠者忠字正注由字

### 善字雙聲

襄五年會吳于善稻吳謂善伊謂稻緩頤煊案伊緩  
乃吳語善字雙聲子張姓申史記云姓顓孫吳子名  
乘左氏云名壽夢皆雙聲字

### 軋辭也

十九年傳取邾田自漕水軋辭也范注軋委曲隨漕  
水言取邾田之多頤煊案通俗文車轢曰軋軋辭者

言取邾田之多近於陵輒奪取之辭

流旁握

昭八年傳流旁握疏或以爲流旁握者謂建旃表門之旒旁去車之兩軸各一握也古字同通故傳作流  
頤煊案說文灋垂玉也冕飾从玉流聲公羊襄十四年何休注君若贅流然今經典相承作旒是通用之證

○或曰增之也

二十五年傳鸛鵒穴者而曰巢或曰增之也范注如增言巢爾其實不巢也頤煊案禮記禮運昔者先王未有宮室冬則居營窟夏則居橧巢鄭注暑則聚薪

柴居其上釋文棺本又作增或曰增之者謂鵲鵲穴處而聚薪柴於其上也

上公

定元年傳古之神人有應上公者通乎陰陽疏帝天也而曰上公頤煊案說文甘氏星經曰太白上公妻曰女嬃漢書地理志右扶風陳倉有上公明星祠。該郊之變

哀元年傳此該之變而道之也唐石經該下有郊字頤煊案范注春秋書郊終於此故於此備說郊之變下文而曰我一該郊之變而道之又云此乃所以該郊該下當有郊字